



Universitätsbibliothek Paderborn

Opvs De Ivdiciis Divinis, Qvae Devs In Hoc Mvndo Exercet

Accessit index concionatorius in omnes totius anni dies Dominicos & Festos, ab ipso Auctore confectus

Stengel, Georg

Ingolstadii, 1651

5. Sanguis Christi optimum antidotum contra desperationem.

urn:nbn:de:hbz:466:1-45653

lignum lapsus esset, lauabatur. De hac re consultus Fulbertus Episcopus Carnotensis, per lapidem, inquit, impij, per carnem formicari significantur; per lignum meum, qui neq; molles, ut caro, neq; ut lapis duri. Addit impios, & fornacarios indelebili nota, in sanguine suo, morituros; medios, per mortis angustiam, saluandos. Vere lapides sunt homines impij & indurato corde; apud quos sanguis sanguinem terigit, qui peccatum peccato addiderunt; postquam enim toti sunt scelere, velut impuro cruento, inquinati, addunt alium sanguinem, qui priorem deleri non sinit, desperationem. Quod etiam carni deditis accidit; qui adeò plerumque molles sunt, ut existiment, se voluptates corporis non posse abdicare, atque ideo circa, in sanguine suo moriantur. Impij illi adamante sunt duriores: adamas hirci sanguine dicitur liquefcere; illi autem neque Christi quidem sanguine molliuntur. Homines autem carnales Adonidis sanguinem sanguini Christi anteponunt. Hinc incluibili desperationis nota maculantur, quæ est totius malitiæ complemendum. Nam vt D. Chrysostomus ait, Peccantes non dolere magis S. Chrysost. Deum exacerbat, quam peccare. Homo nem quidem exacerbans, & hom. 46. ad amicos, & vicinos rogat: siue fecerit, siue amplius te repulerit, iratus populum. non recedis, sed auges supplicationem; Deo vero tuo exacerbato oscitas, & recedas, & delicis vacas: quomodo non ex hoc ipso magis irritabis eum? Quapropter dignus est terram subire, nec hunc solem intueri, neq; penitus spirare; quod tam facilem habens Dominum, & eum exasperans, & exasperans paenitentiam non agis.

Quid ergo tanta Dei facilitas? quid patientia? quid clementia exigit? vt ne impij quidem & toti carnei desperent. Ad hoc homo factus est, ad hoc sanguinem fudit, vt impijs iratum iudicem placeret, vt hominem animalem spiritualem faceret: vt nemo quantumvis flagitosus, damnaretur. Qui igitur desperant, desperant tantum quia volunt, non quia debent. Immo non potest desperare, quisquis vult misericordias Domini ante oculos ponere, atque id expendere, quod peccatoribus grauiissimis tam benignus pater exhibuit. Si enim eos ex cœno extraxit, qui toti in eo erant sepulti; an non poterunt extrahi, qui pedibus duntaxat luto immerguntur? In altera vita iustitiam suam magis, in hac magis misericordiam suam vult ostendere: quam vt maximè manifestet, manifestat erga maximos peccatores. Pertinacissima sunt

17
viii. 2
dijecit
v. 2

V.

sunt quædam scelera, fateor; sed longè potentius est antidotum sanguis Christi ad sanguinem peccati abluendum. Quid sanguis Christi non posset, si sanguis martyrum tam efficax est, à Christi sanguine vim trahens? Nam vel istum legimus, duros tales saxeos, que emollissē, atque moiles solidassē in virtutem; vt, infinita Numinis bonitatē cognita, omnem mollitatem voluptatēmque improbam, in fortitudinem patientiamque commutarent, martyrum Deum, vsq; ad tormenta exquisitissima ac mortem, amantium, exemplo.

VI.
Surius ex
Metaphra-
ste 5. lunij.

Aglais Romana, mulier claritate natalium, formæ elegantiâ, fortunæ benevolentia, copiâ diuitiarum insignis; ex genere nimirum patricio, & eorum, qui proconsularem honorem erant, consecuti; eam à prima ætate vultus gratiam acceperat, quæ insidias facere & pati posset. Ac ne malorum vel irritamenta, vel fo-
menta deessent, tantæ suppeterbant opes, vt ad omnem luxum sufficerent. Accedebat, super omnia, periculosisssimum iuuentuti venenum, libera viuendi potestas. Absque parentum oculis, absque mariti custodiâ degebat. Vno verbo, sine ullo metu, domina erat; & quidquid libebat, faciebat; ipsa domi pariter & pater & materfamilias. Rarò fortuna, quos nimis amat, serio amat: nam saevis illius, hamus est vitiorum. Cœpit itaque Aglais pecuniâ vt ad voluptatem; cui cum cupidiæ non satis facerent, etiam illecebræ turpes quærebantur. Quid expectatis? in tali domo non habitant simul honestas & potestas. Quid autem non faceret præ mortui pudoris muliercula? quid non efficeret excetra, quæ deli-
nimentis permulcebat omnes? præcipue eos, quibus poterat im-
perare: inter quos illa nec coniux, nec vidua, nec virgo fuic.

VII.

Dipsas serpens est, ad inferendam perniciem summè ve-
lo: nam quos momordit, siti inardescunt adeò vehementer, vt paulo post moriantur. Talis erat serpens Aglais, immo longè per-
niciosior; neque enim illi morsu opus erat, sed ex oculis incendia iaculabatur, &, tanquam Medusa, aspicio necabat. Habuit hæc, in familia sua, aliquem bonorum suorum procuratorem Bonifacium nomine, qui ingenij solertiam, insigni in eam fidelitatē ac benevolentia, reddiderat amabiliorēm. Inuictus in eo animus,
à solo amore & vino vincebatur: cui & forma promotionem de-
dit, vt ambiretur, & vinum stimulos, ne frustra ambiretur. Siquidem, ubi ebrietas, ibi rarò diu venustas & castitas sociantur. Ac-
cedebat,